

**Yong Sedia Bertanding Semula Jika Diperlukan SUPP, BN
Bernama
8 April, 2013**

KUCHING, 8 April (Bernama) -- Datuk Yong Khoon Seng yang telah mewakili kawasan Parlimen Stampin selama tiga penggal, bersedia menanggungkan persaraannya dan bertanding semula pada pilihan raya umum kali ini jika masih diperlukan oleh Barisan Nasional (BN).

Katanya banyak pihak tampil memintanya menanggungkan persaraan sejak beliau mengumumkan untuk berbuat demikian sebelum ini.

"(Walaupun) saya sebutkan beberapa kali (untuk tidak bertanding pada pilihan raya umum ke-13), saya sedia menimbang semula. Jika saya diperlukan saya akan tangguh rancangan untuk bersara," katanya kepada pemberita, di sini hari ini.

Ditanya sama ada permintaan itu datang daripada pemimpin Parti Rakyat Bersatu Sarawak (SUPP), Yong mengiakan namun enggan menamakan pemimpin terbabit.

Ditanya sama ada Perdana Menteri Datuk Seri Najib Tun Razak selaku Pengerusi BN antara yang memintanya menanggungkan persaraan, ahli politik berusia 72 tahun itu berkata: "Anda tunggu saja pengumuman beliau."

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=940291>